



ERMUKO UDALA
AYUNTAMIENTO DE ERMUA

12. Ordenantza Fiskala Autotaxi lizentzia emateagatikoa tasa

I. XEDAPEN OROKORRA

1. ARTIKULUA

Bizkaiko Lurralde Historikoko Toki Ogasunak araupetu dituen abenduaren 16ko 2005/9 Foru Arauko 21 artikuluan xedatu denarekin bat etorritik, Autotaxi Lizentziaren Tasa ezarri da. Tasa horretan zerga ordenantza hau izango da aginduzko, eta honen arauak aurrean aipatutako abenduaren 16ko 2005/9 Foru Arauan ezarritakoaren araberrakoa izango dira.

II. ZERGA EGITATEA

2. ARTIKULUA

Tasa honen zerga egitatea jarraian adieraziko diren zerbitzu eta jarduerak egitea da, Turismoan Aibomobilen bidezko Bidaia-ien Hiri Barruko eta Hiri Artero Garraio Publikoari buruzko ekainaren 29ko 2/2000 Legean araupetu diren atotaxi lizentziak direla-eta:

- a) Lizentziak ematea eta luzatzea.
- b) Lizentziak eskualdatzeko baimena ematea, bidezkoa denean, indarreko legeriarekin bat etorritik.
- c) Lizentziari lotutako ibilgailuak eskualdatzeko baimena ematea, borondatez nahiz legearen aginduz eskualdatzen direla ere.
- d) Ibilgailuen erabilera eta ustiapena.

III. TASA ORDAINDU BEHARRA

3. ARTIKULUA

Tasa eta bera ordaindu beharra 2. artikuluko a), b), eta c) letretan adierazitako kasuetan sortuko dira, Udalak lizentzia eman eta luzatzen duen egunean edo ibilgailua eskualdatu edo ordeztzeko baimena ematen duen egunean.

2. artikuluko d) atalean aipatzen diren kasuetan urte bakoitzaren urtarilaren 1ean sorraraziko da tasa, zerga-aldia urte naturala izanik. Ez da horrela izango jarduerari ekin edo uzten zaionean, horrelakoetan kuotaren honako hainbanaketa egingo baita: jarduerari ekin edo alta ematean baimena ematen den hiruhileko naturaletik bertatik izango dute eragina, jarduerari utzi edo baja ematean, berriz, eskatu eta hurrengo hiruhileko naturaletik aurrerakoa izango da eragina.

IV. SUBJEKTU PASIBOA

4. ARTIKULUA

Honakoak dira tasa ordaindu behar duten subjektu pasibo zergadunak:

Lizentzia eman eta luzatzen zaion pertsona edo erakundea, edo Udalaren baimenaz lizentzia eskualdatzen zaiona.

Ordezten den edo ikuskapen arrunta zein apartekoa egiten zaion ibilgailuaren lizentziaren titularra.

V. ZERGA KUOTA

5. ARTIKULUA

Zerga-kuota zerbitzuaren edo jardueraren izaeraren arabera adierazitako zenbateko finko batez zehaztuko da, tarifak honakoak izanik:

KONTZEPTUA	EUROAK
1. Lizentziak ematea eta egitea	418,25
2. Ibilgailuen erabilera eta ustiapena	26,60
3. Ibilgailuak ordezte	50,10
4. Lizentziak eskualdatzea	174,05

Lizentziaren titularra hil eta lizentzia eskualdatzen denean, onuraduna hildakoaren nahitaezko jaraunslea bada, eta titularrak gehienez bost urtean eduki badu lizentzia, goian ageri diren kopuruen %50 ordainduko da.

VI. KUDEAKETA ETA BILKETA

6. ARTIKULUA

Turismoko Ibilgailuen bidezko Bidaiarien Hiri Barruko eta Hiri Arteko Garraio Publikoari buruzko ekainaren 29ko 2/2000 Legeko arauei jarraituz ematen diren udal lizentziak eskualdaezinak dira, 8. artikuluan adierazitako kasuetan izan ezik.

7. ARTIKULUA

Tasa honen kargapeko jarduerak eta zerbitzuak alderdiren batek eskaturik egingo dira.

Kuota guztiak likidatu egingo dira zuzenean ordain daitezen, behin lizentzia edo baimena eman eta eskatutako zerbitzuak egin ondoren. Zergadunek Kudeaketa, Zerga-bilketa eta Ikuskaritzako Ordenantzan ezarritako epean ordaindu beharko dituzte.



ERMUKO UDALA
AYUNTAMIENTO DE ERMUA

12. Ordenantza Fiskala Autotaxi litzentzia emateagatiko tasa

2. artikulua d) atalean adierazitako kasuetan errolda bat egingo da urtero, non subjektu pasiboen izenak, helbide fiskalak eta bakoitzari dagokion tarifa jasoko diren. Errolda hori udal organo eskudunak onetsiko du eta zerga-egutetian ezarritako datetan ekingo zaio kobrantzari.

VII. URRATZEAK ETA ZEHAPENAK

8. ARTIKULUA

Zergaren ikerketari, zerga urratzeen kalifikazioari eta urratzeen zioz ezarri beharreko zehapenei dagokien guztian Bizkaiko Lurralde Historikoko Zergei buruzko Foru Arau Orokorrean xedatutakoa beteko da.

VIII. AZKEN XEDAPENA

Autotaxi Lizentziaren Tasa araupetu duen Zerga Ordenantza 2026ko urtarrilaren 1ean jarriko da indarrean, behin betiko onetsi eta Bizkaiko Aldizkari Ofizialean 2025eko abenduaren 31ko 249. alean argitaratu eta gero, eta indarrean egongo da harik eta hura aldatzea edo indargabetzea erabaki arte.